

ad Serenissimum *Henricum* Cardinalem, de qua satis in praefato loco diximus.

IV. Videtur quoque huc pertinere opella inscripta: *Testimonios de la santidad i bienaventuranza del P. Fr. Luis Bertran, dados por el P. Fr. Nicolas Factor de la Orden de S. Francisco*, ab Auctore Fr. *Vincentio Iustiniano Antistio* venerabili nostro *Granatensi* nuncupata X. Kal. Martias MDLXXXIV. Prodiit Valentiae, eodem anno, Heredum Iohannis Navarro, octupl. forma. Opusculum rarissimum, quod memorat *Ximenius T. I. Script. Valent.* ad an. 1599. pag. 210. num. 6.

§. XI.

OPERVM GRANATENSIS INDICES

ab aliis contexti.

I. **I**ndex locupletissimus omnium concionum, tam de tempore, quam de Sanctis, editarum a R. P. Fr. Ludovico Granatensi Ord. Praed. dignissimo Concionatore et de Religione Christiana meritissimo, Auctore Fr. Iobanne de Hormaza eiusdem Ordinis. Salmanticae apud Heredes Matthiae Galt 1581. in 4. * Index hic deservit tantum primis editionibus Olisiponensi et Salmantinae; pro cuius captu legendae sunt observationes Praefationi adnexae.

II. *Elenchus rerum omnium, quae in Libris omnibus R. P. Fr. Ludovici Granatensis (qui vulgari sermone circumferuntur) continentur; in quo, quae Evangeliorum considerationibus adcommodari possunt, remissionibus ad supra dictos Libros demonstrantur*, studio Fr. *Alphonfi de Sanzoles* Minoritae, Provinciae S. Iacobi alumni. Salmanticae, Petri de Adurza, sumtibus Didaci Roderici 1584. in 8. pagg. 519. * in nostra Fontinentana. Rursus Barcinone Iacobi Cendrat 1588. et 1594. in fol. * ad calcem operum eiusdem *Granatensis*.

III. *Annotationes in Evangelia totius anni de tempore et Sanctis, ex omni in universum quae hucusque exstat doctrina adm. R. P. Mag. Fr. Ludovici Granatensis Ord. Praed. Fr. Barnaba a Xea eiusdem instituti collectore. Apophtegmata etiam, insignio-*

ra dicta et facta Gentilium, quae cuique Evangelio magis apta videbantur, in gratiam curiosi Lectoris adiecta sunt. Salmanticae apud S. Stephanum, typis Antonii Renaud 1585. in 8. pagg. 552. * apud nostros Valentinos. Opus hoc, quod Auctor inscripsit *Gaspari a Quiroga* S. R. E. Cardinali Archiepiscopo Tolerano, concinnavit, dum adhuc *Granatensis* ageret in vivis, quem ille (ut in Praef. ait) quemadmodum numquam oculis carnis viderat, ita mentis aciem numquam ab eo removerat. Admonet praeterea, ante se alium hanc ipsam Provinciam suscepisse, sed quis ille fuerit, non aperit. Certe laudatus de *Sanzoles* non videtur posse fuisse, cum uno solo anno ante *Barnabam a Xea*, videlicet 1584. *Elenchum* suum publicaverit; ille vero anonymus decem annis antecesserit, ut ipse a *Xea* testis est locupletissimus in laudata Praefatione.

IV. *Tabla predicable muy copiosa de las Obras, que el M. R. P. Maestro Fr. Luis de Granada compuso en romance, que son Guia de pecadores, Oracion, i Meditacion, Memorial de la Vida Christiana, i Adiciones, compuesta por el M. R. P. Fr. Geronimo Gomez de la Orden de N. Señora de la Merced, Redencion de Cautivos.* Adiecta fuit editioni operis, cui titulus: *Adiciones al Memorial de la Vida Christiana*, Matriti, Thomae Iuntae 1594. in 8. * Tum ad calcem collectionis laudatorum quattuor operum, Barcinone, apud Sebastianum de Cormellas 1625. II. voll. in fol. *

V. Fr. *Dionysius Sanchez Moreno*, e sodalitia nostro, *Indices* etiam *Generales* Hispanorum operum confecit, quos amplissimae editioni Matritensi a se curatae 1678. propriis locis collocavit.

VI. Idem, ac maiori diligentia, ad Latina opera quod spectat, praestat nunc *Iobannes Baptista Mugnozius*, Theologiae Doctor Valentinus, ac maximae spei Adolescentulus, in elegantiori editione omnium, quotquot reperiri possint, operum *Granatensis* Latinorum, quae Valentiae modo excuditur. Sed de his uberius infra §. XIII. Num. I.

VII. *Tabla de los lugares de la Escritura, que hai en las Obras de Fr. Luis de Granada.* In 12. cum *Indice ad Sermones de tempore*, ac rerum altero. Adservatur MS. in nostra Valentina inter

anecdota. Libellus hic pertinuit olim ad usum Fr. *Sebastiani Vilanova*, a quo fortasse scriptus.

§. XII.

COMPENDIA SIVE EXCERPTA EX LIBRIS
Granatensis, in varias formas, pro ingenio et libito
editorum, concinnata.

- I. **L**ATINE. Fr. *Petrus Mersicus Cratepolius*, Instituti D. Francisci Fratrum Conventualium Coloniae, in epitomen redegit omnes Conciones *Granatensis*, duobus Tomis: quorum prior *Postillas et Homilias in totius anni de tempore Evangelia* continet; posterior vero *Postillas et Homilias in praecipua Sanctorum festa*. Prodierunt primum Coloniae 1586. Postea Antuerpiae 1589. in 8. teste *Nicolao Antonio*. Ibidem 1590. Lugduni 1591. in 8. quam laudat *Clesius* in *Elencho* pag. 139. Coloniae eodem anno, apud Sybillam a Porta, ex fide *Possevini*. Iterum Lugduni, in Officina Q. Hug. a Porta 1595. in 8. * quae apud nostros Fontinetanos exstat. Antuerpiae 1599. etiam in 8. Rursus Lugduni, ex Typographia Claudii Morillon 1609. in 8. quam a se visam refert Fr. *Iohannes a S. Antonio* in *Bibl. Francisc.* T. II. pag. 460. col. 1.
- II. *Easdem Conciones* compilavit *Iohannes Sweertius*, Professione Carthusianus Agrippinas; idque multo elegantius adcuratiusque, quam *Cratopolius*, inquit eius patruus *Franciscus Sweertius* in *Athen. Belg.* et *Theodorus Petreus* pag. 218. *Bibl. Carthus.*
- III. *Epitome Concionum de Adventu*. Antuerpiae 1604. in 12. Laudatur a *Lipenio* in sua *Regali Bibliotheca*. Nec est praetermittendum, *Surium* plerasque Conciones *Granatensis* inter suas adoptasse.
- IV. *Introductionis ad Symbolum Fidei compendium*, quattuor Libris comprehensum, et a *Michaele ab Isselt* Latine elaboratum, praelo datum fuit primum Coloniae 1592. in 8. quae in Regia Escorialensi; ac subinde Lugduni, Iohannis Baptistae Baysson 1597. 8. * Valentiae in Augustiniana et Archiepisco-

pa-

pali. In nuncupatoriis litteris ad R. D. *Lunemburgum Brummerum*, Harseveldensis Monasterii in Dioecesi Bremensi Archiepiscopatum, eid. Augusti MDXCV. dicit ipse *Isseltius*, ex Italico sermone in Latinum transtulisse.

V. *Paradisus precum* ex Ludovici Granatensis opusculis per Michaelem ab *Isselt* concinnatus. Coloniae 1589. 12. quam laudat *Clesius* pag. 144. *Elenchi*. Ibidem 1599. in 16. et 1604. in 12. quae ex fide *Echardi* exstat Parisiis in Regia E 3681. Tum Moguntiae 1610.

VI. *Vita Christi*, collecta per eundem Michaelem ab *Isselt*. Coloniae, Quentelii 1591. Referunt *Taxander* pag. 80. et *Clesius* pag. 138. Iterum sub hac epigraphe: *Vita Christi ex diversis Granatensis opusculis spiritualibus collecta, in sexaginta duas meditationes, seu capita digesta per Michaelem ab Isselt ex Italico in Latinum sermonem translata, hacque postrema editione diligenter recognita, et novis figuris exornata*. Coloniae 1596. 12. quam laudat *Iohannes Henricus a Seelen* pag. 484. operis, cui titulus: *Selecta litteraria*, Lubecae editi 1736. in *Consilio de adornanda Bibliotheca Christiana, sive notitia Scriptorum de Christo*. Rursus Coloniae 1607. cuius meminit *Lipenius*.

VII. *Thesaurus precum*. Lugduni, ex Typographia Lambertii Rasfelt 1606. 16. Sic *Taxander* pag. 79. praetermittens a quo ille excerptus sit.

VIII. *Opuscula spiritualia*. Coloniae 1626. Laudat *Catalogus Librorum* apud Fratres de Tournes anni 1763.

IX. *Viridarium seu Paradisus precum* ex Ludovici Granatensis operibus potissimum desumptus, opera Fr. *Guillelmi Sommerii* Brabantini Ord. Praed. Silvaeducis 1621. in 12.

X. *Flores R. P. Fr. Ludovici Granatensis, ex omnibus opusculis spiritualibus summa fide excerpti, et in octo partes distributi, collectore et interprete Michaele ab Isselt Amorsfortio*. Coloniae 1598. in 12. Ibidem, Arnoldi Quentelii 1610. in 12. et Moguntiae, eodem anno.

XI. *Modus pie vivendi, ex variis eius opusculis spiritualibus desumptus*. Coloniae 1620. in 12.

XII. *Exercitia in septem meditationes matutinas ac totidem vespertinas, distributa ab Auctore Hispanice primum conscripta*

D 4

in-